



崇德寺傷

顯淨土真佛土文類五

愚查親鸞集

光明無量之願 壽命無量之願

謹按真佛土者佛者則是不可思議光如來
土者亦是無量光明土也然則酬報大悲誓
願故曰真報佛土既而有願即光明壽命之
願是也大經言設我得佛光明有能限量下
至不照百千億那由他諸佛國者不取正覺

又願言設我得佛壽命有能テ限量下ニ至百千億那由他劫者不取正覺願成就ク文言佛告阿難無量壽佛威神光明最尊第一諸佛光明所不能及乃至是故無量壽佛号無量光佛無邊光佛無等光佛無對光佛炎王光佛清淨光佛歡喜光佛智慧光佛不斷光佛難思光佛無稱光佛超日月光佛其有衆生遇斯光者三垢消滅身意柔軟歡喜踊躍善心生

焉若在三塗勤苦之處見此光明皆得休息無復苦惱壽終之後皆蒙解脫無量壽佛光明顯赫照耀十方諸佛國土莫不聞焉不但我今稱其光明一切諸佛聲聞緣學諸菩薩衆咸共嘆譽亦復如是若有衆生聞其光明威神功德日夜稱說至心不斷隨意所願得生其國為諸菩薩聲聞大衆所共嘆譽稱其功德至其然後得佛道時普為十方諸佛菩

薩、嘆其光明亦如今也。佛言：我說無量壽佛
光明威神巍巍殊妙，晝夜一切尚未能盡。佛
語阿難：無量壽佛壽命長久，不可勝計。汝寧
知乎？假使十方世界無量眾生皆得人身，悉
令成就，聞緣覺、聲聞、緣覺、都共集會，禪思一心，竭其
知力於百千萬劫，悉共推算計其壽命長遠
之數，不能窮盡，知其限極。無量壽如來會
言：阿難以是義故，無量壽佛復有異名，謂無

量光。無邊光。無著光。無尋光。光照王端嚴光。
變光。喜光。可觀光。不可思議光。無等不可稱
量光。映蔽日光。映蔽月光。掩棄日月光。彼之
光明清淨廣大，普令眾生身心悅樂。復令一
切餘佛刹中，天龍夜叉阿修羅等皆得歡悅。
已無量清淨平等覺。經言：速疾超便可
到安樂國之世界。至無量光明土，供養於無
數佛。已佛說諸佛阿彌陀三那三佛薩樓佛

大阿彌陀

三

檀越度人道經譯言佛言阿彌陀佛光明
最尊第一無比諸佛光明皆所不及也八方
上下無央數諸佛中有佛頂中光明照七丈
有佛頂中光明照一里乃至有佛頂中光明照
二百萬佛國佛言諸八方上下無央數佛頂
中光明所炎照皆如是也阿彌陀佛頂中光
明所炎照千萬佛國所以諸佛光明所照有
近遠者何本其前世宿命求道為菩薩照所

願功德各自有大小至其然後作佛時各自
得之是故令光明轉不同等諸佛威神同等
耳自在意所欲作為不豫計阿彌陀佛光明
所照最大諸佛光明皆所不能及也佛稱譽
阿彌陀佛光明極善阿彌陀佛光明極善善
中明好其快無比絕殊無極也阿彌陀佛光
明清潔無瑕穢無缺減也阿彌陀佛光明殊
好勝於日月之明百千億萬倍諸佛光明中

之極明也光明中之極好也光明中之極雄
傑也光明中之快善也諸佛中之王也光明
中之極尊也光明中之最明無極也炎照諸
無數天下幽冥之處皆常大明諸有人民輪
飛蠕動之類莫不見阿耨陀佛光明也見者
莫不慈心歡喜者世間諸有娑洸嗔怒愚癡
者見阿耨陀佛光明莫不作善也諸在泥梨
偷狩辟茹考掠勤苦之處見阿耨陀佛光明

至皆休止不得復治死後莫不得解脫憂苦
者也阿耨陀佛光明名聞八方上下無窮無
極無央數諸佛國諸天人民莫不聞知聞知
者莫不度脫也佛言不獨我稱譽阿耨陀佛
光明也八方上下無央數佛辟支佛菩薩阿
羅漢所稱譽皆如是佛言其有人民善男子
善女人聞阿耨陀佛聲稱譽光明朝暮常稱
譽其光好至心不斷絕在心所願往生阿耨

信之本
曰未三十三
修之妙
次之七

陀佛國上不空索素神變真言經言汝當生
處是阿陀陀佛清淨報土蓮華化生常見諸
佛證諸法忍壽命無量百千劫數直至阿耨
多羅三藐三菩提不復退轉我常祐護上已淨
槃經言又解脫者名曰虛無虛無即是解脫
解脫即是如來如來即是虛無非作所作至
真解脫者不生不滅是故解脫即是如來如
來亦尔不生不滅不老不死不破不壞非有

丁六至

信之本

為法以是義故名曰如來入大涅槃至又解
脫者名無上上至無上上者即真解脫真解
脫者即是如來至若得成於阿耨多羅三藐
三菩提已無愛無疑無愛無疑即真解脫真
解脫者即是如來至如來者即是涅槃涅槃
者即是無盡無盡者即是佛性佛性者即是
決定決定者即是阿耨多羅三藐三菩提迦
葉菩薩白佛言世尊若涅槃佛性決定如來

淨五

六

是一義名云何說言有三歸依佛告迦葉善男子一切衆生怖畏生死故求三歸以三歸故則知佛性決定涅槃善男子有法名一義異有法名義俱異名一義異者佛常法常比丘僧常涅槃虛空皆亦是常是名名一義異名義俱異者佛名爲覺法名不覺僧名和合涅槃名解脫虛空名非善亦名無導是爲名義俱異善男子三歸依者亦復如是出畧又言涅槃全

光明者名不羸劣不羸劣者名曰如來又光明者名爲智慧又言善男子一切有爲皆是無常虛空無爲是故爲常佛性無爲是故爲常虛空者即是佛性佛性者即是如來如來者即是無爲無爲者即是常常者即是法法者即是僧僧即無爲無爲者即是常乃善男子譬如從牛出乳從乳出酪從酪出生藕從生藕出熟藕從熟藕出醍醐醍醐最上若

有服者衆病皆除所有諸藥悉入其中善男子佛亦如是從佛出十二部經從十二部經出修多羅從修多羅出方等經從方等經出般若波羅蜜從般若波羅蜜出大涅槃猶如醍醐言醍醐者喻於佛性佛性者即是如來善男子如是義故說言如來所有功德無量無邊不可稱計抄又言善男子道有二種一者常二者無常菩薩之相亦有二種一者常

二者無常涅槃亦外道道名爲無常內道道者名之爲常聲聞緣覺所有菩提名爲無常菩薩諸佛所有菩提名之爲常外解脫者名爲無常內解脫者名之爲常善男子道與菩提及以涅槃悉名爲常一切衆生常爲無量煩惱所覆無慧眼故不能得見而諸衆生爲欲見修戒定惠以修行故見道菩提及以涅槃是名菩薩得道菩提涅槃道之性相實

不生滅以是義故不可投持至乃道者雖無色像可見稱量可知而實有用至乃如衆生心雖非是色非長非短非濇非細非縛非解非見法而亦是有出抄又言善男子有大樂故名大涅槃涅槃無樂以四樂故名大涅槃何等爲四一者斷諸樂故不斷樂者則名爲苦若有苦者不名大樂以斷樂故則無有苦無苦無樂乃名大樂涅槃之性無苦無樂是故涅槃

名爲大樂以是義故名大涅槃復次善男子樂有二種一者凡夫二者諸佛凡夫之樂無常敗壞是故無樂諸佛常樂無有變易故名大樂復次善男子有三種受一者苦受二者樂受三者不苦不樂受不苦不樂是亦爲苦涅槃雖同不苦不樂然名大樂以大樂故名大涅槃二者大寂靜故名爲大樂涅槃之性是大寂靜何以故遠離一切煩惱故以大

寂故名大涅槃三者一切智故名大樂非
一切智不名大樂諸佛如來一切知故名
大樂以大樂故名大涅槃四者身不壞故名
為大樂身若可壞則不名樂如來之身金剛
無壞非煩惱身無常之身故名大樂以大樂
故名大涅槃又言不可稱量不可思議故
得名為大般涅槃以純淨故名大涅槃云何
純淨淨有四種何等為四一者二十五有名

為不淨能永斷故得名為淨淨即涅槃如是
涅槃亦得名有而是涅槃實非是有諸佛如
來隨世俗故說涅槃有譬如世人非父言父
非母言母實非父母而言父母涅槃亦亦隨
世俗故說言諸佛有大涅槃二者業清淨故
一切九夫業不清淨故無涅槃諸佛如來業
清淨故故名大淨以大淨故名大涅槃三者
身清淨故身若無常則名不淨如來身常故

名大淨以_レ大淨故_レ名大涅槃_四者心清淨故
心若有漏_{モラス}名曰不淨佛心無漏故_{モラス}名大淨以_レ
大淨故_レ名大涅槃善男子是名善男子善女
人_抄又言善男子諸佛如來煩惱不起是名
涅槃所有_レ智惠於法無尋是為如來如來非
是九夫聲聞緣覺菩薩是名佛性如來身心
智惠徧滿無量無邊阿僧祇土無所_レ鄣碍是
名_レ虚空如來常住無有變易名曰實相以是

義故如來實不畢竟涅槃是名菩薩_{上已}又言_{涅槃}
迦葉菩薩言世尊佛性者常猶如_レ虚空何故
如來說言未來如來若言一闍提輩無善法
者一闍提輩於其同學同師父母親族妻子
豈當不生變念心耶如其生者非是善乎佛
言善哉善哉善男子快發斯問佛性者猶如
虚空非過去非未來非現在一切衆生有_レ三
種身所謂過去未來現在衆生未來具足莊

嚴清淨之身而得見佛性是故我言佛性未
來善男子或為衆生或時說曰為果或時說
果為目是故經中說命為食見色名觸未來
身淨故說佛性世尊如佛所說義如是者何
故說言一切衆生悉有佛性善男子衆生佛
性雖現在無不可言無如虛空性雖無現在
不得言無一切衆生雖復无常而是佛性常
住無變是故我於此經中說衆生佛性非內

非外猶如虛空非內非外如其虛空有內外
者虛空不名為一為常亦不得言一切處有
虛空雖復非內非外而諸衆生悉皆有之衆
生佛性亦復如是如汝所言一闡提輩若有
身業口業意業取業求業解業如是等業悉
是邪業何以故不求曰果故善男子如訶梨
勒果根莖枝葉華實悉苦一闡提業亦復如
是又言善男子如來具足知諸根力是故

善解分別衆生上中下根能知是人轉下作
中能知是人轉中作上能知是人轉上作中
能知是人轉中作下是故當知衆生根性無
有決定以無定故或斷善根斷已還生若諸
衆生根性定者終不先斷斷已復生亦不應
說一闡提輩墮於地獄壽命一劫善男子是
故如來說一切法無有定相迦葉菩薩白佛
言世尊如來具足知諸根力定知善星當斷

善根以何因緣聽其出家佛言善男子我於
往昔初出家時吾弟難陀從弟阿難提婆達
多子羅睺羅如是等輩皆悉隨我出家修道
我若不聽善星出家其人次當得紹王位其
力自在當壞佛法以是因緣我便聽其出家
修道善男子善星比丘若不出家亦斷善根
於無量世都無利益今出家已雖斷善根能
受持戒供養恭敬耆舊長宿有德之人修習

初禪乃至四禪是名善因如是善因能生善法善法既生能修習道既修習道當得阿耨多羅三藐三菩提是故我聽善星出家善男子若我不聽善星比丘出家受戒則不得稱我為如來具足十力乃至善男子如來善知衆生如是上中下根是故稱佛具知根力迦葉菩薩白佛言世尊如來具足是知根力是故能知一切衆生上中下根利鈍差別隨人隨

意隨時故名如來知諸根力至或有說言犯四重禁作五逆罪一闡提等皆有佛性至如來世尊為國土故為時節故為他語故為人故為衆根故於一法中作二種說於一名法說無量名於一義中說無量名於無量義說無量名云何一名說無量名猶如涅槃亦名涅槃亦名無生亦名無出亦名無作亦名無為亦名歸依亦名窟宅亦名解脫亦名光明

亦名燈明亦名彼岸亦名無畏亦名無退亦
名安處亦名寂靜亦名無相亦名無二亦名
一行亦名清涼亦名無闇亦名無景亦名無
靜亦名無濁亦名廣大亦名甘露亦名吉祥
是名一名作無量名云何一義說無量名猶
如帝釋云何於無量義說無量名如佛如
來名爲如來義異名異亦名阿羅呵義異名
異亦名三藐三佛陀義異名異亦名船師亦

名導師亦名正覺亦名明行足亦名大師子
王亦名沙門亦名婆羅門亦名寂靜亦名施
主亦名到彼岸亦名大醫王亦名大象王亦
名大龍王亦名施眼亦名大力士亦名大無
畏亦名寶聚亦名商主亦名得解脫亦名大
丈夫亦名天人師亦名大分陀利亦名獨無
等侶亦名大福田亦名大智海亦名無相亦
名具足八智如是^ト一切義異名異善男子是

華嚴 卷五 十五

名無量義中說無量名復有一義說無量名所謂如陰亦名為陰亦名顛倒亦名為諦亦名為四念處亦名四食亦名四識住處亦名為有亦名為道亦名為時亦名為衆生亦名為世亦名第一義亦名三修謂身戒心亦名因果亦名煩惱亦名解脫亦名十二因緣亦名聲聞辟支佛佛亦名地獄餓鬼畜生人天亦名過去現在未來是名一義說無量名善

男子如來世尊為衆生故廣中說畧畧中說廣第一義諦說為世諦說世諦法為第一義諦出畧又言迦葉復言世尊第一義諦亦名為道亦名菩提亦名涅槃至乃又言善男子我以經中說如來身凡有二種一者坐身二者法身言生身者即是方便應化之身如是身者可得言是生老病死長短黑白是此是彼是學無學我諸弟子聞是說已不解我意唱言

如來定說佛身是有為法身即是常樂我淨
求離一切生老病死非白非黑非長非短非
此非彼非學非無學若佛出世及不出世常
不動無有變易善男子我諸弟子聞是說已
不解我意唱言如來定說佛身是無為法又
言如我所說十二部經或隨自意說或隨他
意說或隨自他意說乃善男子如我所說十
住菩薩少見佛性是名隨他意說何以故名

少見十住菩薩得首楞嚴第三昧三千法門
是故聲聞自知當得阿耨多羅三藐三菩提
不見一切衆生定得阿耨多羅三藐三菩提
是故我說十住菩薩少分見佛性善男子我
常宣說一切衆生悉有佛性是名隨自意說
一切衆生不斷不滅乃至得阿耨多羅三藐
三菩提是名隨自意說一切衆生悉有佛性
煩惱覆故不能得見我說如是汝說亦亦是

名隨自他意說善男子如來或時為一法故
說無量法出抄又言一切覺者名為佛性十住
菩薩不得名為一切覺故是故雖見而不明
了善男子見有二種一者照見二者聞見諸
佛世尊眼見佛性如於掌中觀阿摩勒菓十
住菩薩聞見佛性故不了了十住菩薩唯能
自知定得阿耨多羅三藐三菩提而不能知
一切衆生悉有佛性善男子復有眼見諸佛

如來十住菩薩眼見佛性復有聞見一切衆
生乃至九地聞見佛性菩薩若聞一切衆生
悉有佛性心不生信不名聞見乃至師子吼菩
薩摩訶薩言世尊一切衆生不能得知如來
心相當云何觀而得知耶善男子一切衆生
實不能知如來心相若欲觀察而得知者有
二因緣一者眼見二者聞見若見如來所有
身業當知是則為如來也是名眼見若觀如

來所有口業當知是則為如來也是名聞見
若見色貌一切衆生無與等者當知是則為
如來也是名眼見若聞音聲微妙最勝不同
衆生所有音聲當知是則為如來也是名聞
見若見如來所作神通為爲衆生為爲利養
若爲衆生不爲利養當知是則為如來也是
名眼見若觀如來以他心智觀衆生時為利
養說爲衆生說若爲衆生不爲利養當知是

則為如來也是名聞見出畧淨土論曰世尊我
一心歸命盡十方無尋光如來願生安樂國
觀彼世界相勝過三界道究竟如虛空廣大
無邊際上註論曰莊嚴清淨功德成就者偈
言觀彼世界相勝過三界道故此云何不思
議有凡夫人煩惱成就亦得生彼淨土三界
繫業畢竟不牽則是不斷煩惱得涅槃分焉
可思議又云正道大慈悲出世善根生此二

白名莊嚴性功德成就至乃性是本義言此淨
土隨願法性不乖乖法本事同花嚴經寶王如
來性起義又言積習成性指法指法截菩薩集諸
波羅蜜積習所成亦言性者是聖種性序法
截菩薩於世自在王佛所悟無生忍亦時位
名聖種性於是性中發四十八大願修起此
土即只安樂淨土是彼因所得果中說因故
名為性又言性者是必然義不致義如海性

一味衆流入者必為一味海味不隨彼改也
又如人身性不淨故種種妙好色香美味入
身皆為不淨安樂淨土諸往生者無不淨色
無不淨心畢竟皆得清淨平等無為法身以
安樂國土清淨性成就故正道大慈悲出世
善根生者平等大道也平等道所以名為正
道者平等是諸法躰相以諸法平等故發心
等發心等故道等道等故大慈悲等大慈悲

是佛道正正因故言正道大慈悲慈慈悲有三緣
一者衆生緣是小悲二者法緣是中悲三者
無緣是大悲大悲即是出世善也安樂淨土
從此大悲生故故謂此大悲爲淨土之根故
曰出世善根生又注論云問曰尋法藏菩薩本願
力及龍樹菩薩所讚皆似以彼國聲聞衆
爲奇此有何義答曰聲聞以實際爲證計不
應更能生佛道根芽而佛以本願不可思議

神力攝令生彼必當復以神力生其無上道
心譬如鳩鳥入水魚蚌咸死犀牛觸之死者
皆活ヨミカハカキ如此不應生而生所以可奇然五不思
議中佛法最不可思議佛能使聲聞復生無
上道心真不可思議之至也注論又云不可思議
力者總指彼佛國土十七種莊嚴功德力不
可得思議也諸經說言有五種不可思議一
者衆生多少不可思議二者業力不可思議

三者龍力不可思議四者禪定力不可思議
五者佛法力不可思議此中佛土不可思議
有二種力一者業力謂法藏菩薩出世善根
大願業力所成二者正覺阿彌陀法王善住
持力所攝又云示現自利利他者略說彼阿
彌陀佛國土十七種莊嚴功德成就示現如
來自身利益大功德力成就利益他功德成
就故言略者彰彼淨土功德無量非唯十七

種也夫須彌之入芥子毛孔之納大海豈山
海之神乎毛芥之力乎能神者神之耳又云
何者莊嚴不虛作住持功德成就偈言觀佛
本願力遇無空過者能令速滿足功德大寶
海故不虛作住持功德成就者蓋是阿彌陀
如來本願力也至所言不虛作住持者依本
法藏菩薩四十八願今日阿彌陀如來自在
神力願以成力以就願願不徒然力不虛

設力願相府畢竟不羗故曰成就出抄讚阿彌

陀佛偈曰曇鸞和南無阿彌陀佛釋名無量壽傍經奉

贊亦曰成佛已來歷十劫壽命方將無有量

法身光輪徧法界照世盲冥故頂禮智慧光

明不可量故佛又号無量光有量諸相蒙光

曉是故替首真實明解脫光輪無限齊故佛

又号無邊光蒙光觸者離有無是故替首平

等覺光雲無導如虛空故佛又号無導光一

切有礙蒙光澤是故頂禮難思議清淨光明

無有對故佛又号無對光遇斯光者業繫除

是故替首畢竟依佛光照耀最第一故佛又

号光炎王三塗黑闇蒙光啓是故頂禮大應

供道光朗色超絕故佛又号清淨光一蒙

光照罪垢除皆得解脫故頂禮慈光遙被施

安樂故佛又号歡喜光光所至處得法喜替

首頂禮大安慰佛光能破無明闇故佛又号

智慧光一切諸佛三乘衆咸共嘆譽故替首
光明一切時普照故佛又号不斷光聞光力
故心不斷皆得往生故頂禮其光除佛莫能
慚故佛又号難思光十方諸佛嘆往生稱其
功德故替首神光離相不可名故佛又号無
稱光曰光成佛光赫然諸佛所嘆故頂禮光
明照曜過日月故佛号超日月光釋迦佛嘆
尚不盡故我替首無等等乃本師龍樹摩訶

薩誕形像始理類從回反崩也波也網關邪扇開正轍也直利反通也車是閻浮提一切
眼伏兼尊語歡喜地歸阿陀生安樂我從
無始脩三界為虛妄輪所迴轉一念一時所
造業足繫六道滯三塗唯願慈光護念我今
我不共菩提心我讚佛惠功德音願聞十方
諸有緣欲得往生安樂者普皆如意無障尋
所有功德若大小迴施一切共往生南無不

可思議光一心歸命誓首禮十方三世無量
慧同來一如号正覺二智圓滿道平等攝化
隨緣故若于我歸阿彌陀淨土即是歸命諸
佛國我以一心贊一佛願徧十方無尋人如
是十方無量佛咸各至心頭面禮抄出光明
寺和尚云問曰彌陀淨國為當是報是化也
答曰是報非化云何得知如大乘同性經說
西方安樂阿彌陀佛是報佛報土又無量壽

經云法藏比丘在世饒王佛所行菩薩道時
發四十八願一願言若我得佛十方衆生
稱我名号願生我國下至十念若不生者不
取正覺今既成佛即是酬因之身也又觀經
中上輩三人臨命終時皆言阿彌陀佛及與
化佛來迎此人然報身兼化共來授手故名
為與以此文證故知是報然報應二身者眼
目之異名前翻報作應後翻應作報九言報

者因行不虛定招來果以果應因故名爲報
又三大像祇所修萬行必定應得菩提今既
道成即是應身斯及過現諸佛辨立三身除
斯已外更無別躰縱使無窮八相名号塵沙
尅躰而論衆歸化攝今彼弥陀現是報也問
曰既言報者報身常住永無生滅何故觀音
投記經說阿弥陀佛亦有入涅槃時此之一
義若爲通釋答曰入不入義者唯是諸佛境

若有人作
化人
是化人

界尚非三乘淺智所關豈况小凡輒能知也
雖然必欲知者敢引佛經以爲明證何者如
大品經涅槃非化品中說云佛告須菩提於
汝意云何若有化人作化人是化頗有實事
不空者不須菩提言不也世尊佛告須菩提
色即是化受想行識即是化乃至一切種智
即是化須菩提白佛言世尊若世間法是化
出世間法亦是化所謂四念處四正勤四如

意足。五根。五力。七覺。分。八聖道。分。三解脫門。
佛十力。四無所畏。四無所智。十。八不共法。并
諸法果及賢聖人。所謂須陀洹。斯陀含。阿那
含。阿羅漢。辟支佛。菩薩摩訶薩。諸佛世尊是。
法亦是化。不佛告。須菩提。一切法皆是化。於
是法中有聲聞法。變化有辟支佛法。變化有
菩薩法。變化有諸佛法。變化有煩惱法。變化
有業因緣法。變化以是因緣故。須菩提。一切

法皆是化。須菩提。白佛言。世尊。是諸煩惱斷。
所謂須陀洹。果斯陀含。果阿那含。果阿羅漢。
果辟支佛。道。斷諸煩惱。習皆是變化。不佛告。
須菩提。若有法。生滅相者。皆是變化。須菩提。
言。世尊。何等法非變化。佛言。若法無生無滅。
是非變化。須菩提言。何等是不生不滅。非變
化。佛言。無誑相。涅槃是法。非變化。世尊。如佛
自說諸法平等。非聲聞。作非辟支佛。作非諸

菩薩摩訶薩，作非諸佛，作有佛無佛，諸法性常空，性空即是涅槃。云何涅槃？一法非如化佛告，須菩提如是如是，諸法平等，非聲聞所作，乃至性空即是涅槃。若新發意菩薩聞是，一切法皆畢竟性空，乃至涅槃亦皆如化者，心則驚怖，為是新發意菩薩，故分別生滅者，如化不生不滅者，不如化耶？今既以斯聖教，驗知彌陀定是報也。縱使後入涅槃，其義無

按可下

妨諸有智應知。問曰：彼佛及土既言報者，報法高妙，小聖難階。垢鄣九夫云何得入？答曰：若論衆生垢障實難怖趣，正由託佛願以作強緣，致使五乘齊入。又云：從我今樂生彌陀已下，正明夫人別選所求。此明彌陀本國四十八願願願皆發增上勝因，依因起於勝行，依行感於勝果，依果感成勝報，依報感成極樂。依樂顯通悲化，依於悲化顯開智慧之門。

然悲心無盡，智亦無窮。悲智雙行，即廣開其
露。因茲法潤，普攝群生也。諸餘經典，勸處弘
多。衆聖齊心，皆同指讚。有此因緣，致使如來
密遣夫人，別選也。又云：西方寂靜，無爲樂畢
竟。逍遙離有，無大悲薰心。遊法界，分身利物
等，無殊歸去來。魔鄉不可停曠，劫來流轉六
道，盡皆逕到。處無餘樂，唯聞愁嘆聲。畢此生
平，後入彼涅槃城。又云：極樂無爲涅槃界，隨

緣雜善，恐難生故。使如來選要法，教念弥陀
專復專。又云：從佛逍遙歸自然，自然即是彌
陀國。無漏无生還，即真行來進止。常隨佛證
得，无爲法性身。又云：彌陀妙果，号曰无上涅
槃。已上抄標興師云：无量光佛，非一非
佛。无緣不，無導光佛。而能障法，无對光佛。諸
善及之，光炎王佛。光明自在，更清淨光佛。從
貪善根而現，故亦除衆生貪濁，歡喜光佛。從
之心也。无貪濁之心，故云清淨。

嗔善根而能除
衆生嗔恚盛心故
生无明不断光佛
品心故不断光佛
二乘所无稱光佛
日應恒照不周
一應耀之光故
轉願之所致也
義明知顯安養淨刹
不能見性所覆煩惱
少分見佛性故知到
安樂佛國即必顯佛性
抄要上
尔者如來真說宗師釋
真報土惑染衆生於此
經言我說十住菩薩
超日月光佛
皆非餘乘等
皆足蒙光觸身者身心
佛之常光恒
難思光佛
從无礙善根
起復除衆

一切法

由本願力迴向故亦經言衆生未來具足莊
嚴清淨之身而得見佛性起信論曰若知雖
說无有能說可說亦无能念可念名爲隨順
若離於念名爲得入得入者真如三昧也况
乎无念之位在於妙覺蓋以了心初生之相
也而言知初相者所謂无念非菩薩十地所
知而今之人尚未階十信即不依馬鳴大士
從說入無說從念入於無念
夫按報者由

如來願海酬報果成土故曰報也然就願海
有真有假是以復就佛土有真有假由選擇
本願之正因成就真佛土言真佛者大經言
無邊光佛无等光佛又言諸佛中之王也光
明中之極尊也上論曰歸命盡十方無等光
如來也言真土者大經言無量光明土或言
諸智土上論曰究竟如虚空廣大无边際也
言往生者大經言皆受自然虛無之身無極

之躰上論曰如來淨華衆正覺花化生又云
同一念佛無別道故上又云難思議往生是
也假之佛土者在下應知既以真假皆是酬
報大悲願海故知報佛土也良假佛土業因
千差土復應千差是名方便化身化土由不
知真假迷共如來廣大恩德因茲今顯真佛
真土斯乃真宗之正意也經家論家之正說
淨土宗師之解義仰可敬信持可奉持也可

知

顯淨土真佛土文類五

淨五

